

10.12.2021  
BS



U namjeri da ostvare saradnju, organizacije

**Predstavništvo strane humanitarne organizacije "SOS-Kinderdorf International", sa sjedištem u Sarajevu, u daljem tekstu SOS Dječija sela Bosne i Hercegovine**

**ju „Kantonalni Centar za socijalni rad“,**

Zaključuju

### **MEMORANDUM O SARADNJI**

potpisnici ovog Memoranduma o saradnji u cilju unapređenja zaštite i ostvarivanja prava djece u Bosni i Hercegovini, saglasni su u sljedećem:

#### **Član 1.**

Strane potpisnice Memoranduma o saradnji saglasne su da se njihova saradnja zasniva na principu uzajamnog dogovaranja, razumijevanja i zajedničkog rada u oblasti poboljšanja položaja djece u Bosni i Hercegovini.

#### **Član 2.**

Strane potpisnice Memoranduma o saradnji saglasne su da će u okviru dogovorenih aktivnosti u potpunosti poštivati, razvijati i širiti partnerske odnose koji se ogledaju u dogovorenom djelovanju, zajedničkom zagovaranju, razmjeni relevantnih informacija i vidljivosti saradnje.

#### **Član 3.**

Saradnja će se realizovati u sljedećim poljima djelovanja:

- Zagovaranje u oblasti realizacije prava djece propisanih Konvencijom o pravima djeteta;
  - Zagovaranje za sigurno okruženje za rast i razvoj djece;
  - Zagovaranje za unapređenje kvalitete brige o djeci u alternativnim oblicima brige i prevenciji napuštanja djece;
- Učešće u Programu SOS Dječije selo Sarajevo za djecu, mlade i odrasle članove porodica:
  - Obezbjedivanje porodičnog modela brige i kvalitetne brige za djecu bez roditeljskog staranja (briga od ranije prepoznata kao SOS Dječije selo sa Kućama za mlade-smještaj djece u SOS porodice), a po zahtjevu i suradnji sa mjesno-nadležnom općinskom Službom socijalne zaštite,
  - Program jačanja porodice u suradnji i kao podrška Voditeljima slučaja iz općinskih službi socijalne zaštite, te verifikacija liste korisnika usluga Programa od strane nadležnih općinskih Službi socijalne zaštite,
  - Podrška razvoju hraniteljstva u partnerstvu sa JU „Kantonalni Centar za socijalni rad“ te djeci iz hraniteljskih porodicama i hraniteljima,
  - Servisi za podršku djetetu i porodici,
  - Programi za mlade,
  - Program podrške formalnom obrazovanju i osiguravanje jednakih šansi i pristupa kvalitetnom obrazovanju za svako dijete,

- Centar za rani rast i razvoj-podrška ranom rastu i razvoju djece, sa posebnim fokusom na djecu iz marginaliziranih i manjinskih skupina, uključujući djecu bez roditeljskog staranja, djecu koja žive u ruralnim područjima i sl,
- Omogućiti mladima starosti od 15 do 30 godina, evidentiranim na evidenciji JU „Kantonalni Centar za socijalni rad“, pristup informacijama i obukama koje nude projekti za mlade,
  - Pružanje usluga upoznavanja sa radnim mjestom (Job shadowing), profesionalne orijentacije za korisnike/ce uključene u YEPP projekat (Program osnaživanja i zapošljavanja mladih) i drugih projekata za mlade,
- Organizirati i učestvovati u okruglim stolovima, seminarima, sajmovima i drugim javnim događajima, kojima je svrha promocija gore navedenih aktivnosti
- Izgradnja kapaciteta partnera iz relevantnih vladinih institucija i nevladinih organizacija kako bi mogli dati adekvatnu podršku djeci i mladima iz ciljne grupe za razvoj njihovih punih potencijala i za samostalan život;
- Zajedničke akcije i medijska oglašavanja vezana za datume koji su od važnosti za djecu, kao i na pojave koje ugrožavaju ili mogu ugroziti razvoj, sigurnost i život djeteta;
- Podizanje svijesti lokalne zajednice o potrebama djece i mladih bez roditeljskog staranja i porodica u riziku od razdvajanja.

Saradnja će se ogledati u aktivnostima direktnog individualnog i grupnog rada sa djecom, mladima, roditeljima, hraniteljima i profesionalcima kroz savjetodavni i terapijski rad, edukacije, predavanja, art i druge radionice i demonstracije te druge oblike rada fokusiranog na unaprijeđenje zdravlja i razvoja, ličnih i profesionalnih kompetencija.

#### **Član 4.**

Potpisnici Memoranduma o saradnji su suglasni da će JU „Kantonalni centar za socijalni rad“ i SOS Dječija sela Bosna i Hercegovina, u skladu sa zakonskom regulativom Federacije BiH i Kantona Sarajevo, regulisati svoje odnose uključujući i finansijske obaveze i da će ih kvalitetno i odgovorno ispunjavati kao da će jedni drugima osigurati međusobni transfer znanja i informacija, kao i podršku potrebnu za realizaciju dogovorene saradnje.

#### **Član 5.**

Potpisnici memoranduma o saradnji obavezuju se da će se međusobno podržavati što će se odraziti i na unapređenje međusobne vidljivosti pri javnom izvještavanju o dogovorenim aktivnostima.

#### **Član 6.**

Potpisnici Memoranduma o saradnji su saglasni da imenuju predstavnike koji će biti ovlašteni za sve aktivnosti utvrđene ovim Memorandumom.

U ime JU „Kantonalnog centra za socijalni rad“ se imenuje: Mahir Delić, direktor JU „Kantonalni Centar za socijalni rad“,

U ime SOS Dječijih sela Bosne i Hercegovine se imenuje: Mirela Gruenther Đečević, Nacionalna direktorica

#### **Član 7.**

U slučaju konfliktnih situacija i nerazumijevanja, isti će se prevladavati u duhu dobre volje i saradnje.

#### **Član 8.**


Ovaj Memorandum o saradnji je važeći za period od 4 godine, počevši od dana zaključivanja istog.

#### **Član 9.**

Ovaj Memorandum o saradnji napravljen je u 2 (dva) istovjetna primjerka, od kojih svaka strana zadržava po jedan.


U Sarajevu, 2021. godine

JU „Kantonalni Centar za socijalni rad“

  
\_\_\_\_\_  
Mahir Dedić  
Direktor



SOS Dječija sela Bosna i Hercegovina

  
\_\_\_\_\_  
Mirela Gruenther Đečević  
Nacionalna direktorica



07.12.2021.  
1907/21